

聞鶯啼

今朝三月二十八耳邊忽聽鶯聲發驚開道眼一觀瞻羽翎新
用黃金刷見予轉轉弄清吟他意還應會我心恰似琴聲初調
品無情風月是知音

初春

世網擘開肯染塵名園恰似洞中春問公還識逍遙客願我堪
爲自在人坐上詩篇俱濟濟醉中醪醕任頻頻四時不老花芳
別唯有清香一盞均

凡籠跳出並無塵此日誰知物外春對景肯從搢紳者將身已
作散閑人詩緣毛穎傳來速酒泛芳卮轉得頻認取祖宗眞實

道藏輯要

重陽全真集

六 下 胃集一

地黃芽澆灌滿園均

留題友人樓

深羨孩兒樂使牛不須裝裹急梳頭清閑自是親香火勞役誰
知遠使優咫尺蓬萊人不見逍遙紫府我先酬愛河猛捨尤清
淨別駕輕舸泛十洲

贈友詠雪

密布彤雲慘白沙舞空亂目閉天涯嘉祥自是封盈尺應瑞依
然結六花景外畫圖歸釣叟瑩中清淨屬仙家晚來皓月開濃
霧一派流光射素霞

贈姪